



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

# Ո Ր Ո Շ ՈՒ Մ

2 սեպտեմբերի 2021 թվականի N 1436 - Լ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2019 ԹՎԱԿԱՆԻ  
ՓԵՏՐՎԱՐԻ 28-Ի N 201-Լ ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ  
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

---

Ղեկավարվելով «Նորմատիվ իրավական ակտերի մասին» Հայաստանի Հանրապետության օրենքի 34-րդ հոդվածով՝ Հայաստանի Հանրապետության կառավարությունը **ո ր ո շ ու մ է՝**

1. Հայաստանի Հանրապետության կառավարության 2019 թվականի փետրվարի 28-ի «Գյուղատնտեսական հումքի մթերումների (գնումների) նպատակով տրամադրվող վարկերի տոկոսադրույքների սուբսիդավորման ծրագիրը հաստատելու մասին» N 201-Լ որոշման հավելվածում կատարել հետևյալ փոփոխությունները և լրացումները՝

1) 20-րդ կետի 5-րդ ենթակետից հանել «ծրագրի իրականացման մոնիթորինգի մեխանիզմի առաջադրում» բառերը.

2) 23-րդ կետի՝

ա. 1-ին ենթակետը «շինչիլայից» բառից հետո լրացնել «կամ վայրաճ պտուղներ, հատապտուղներ և բանջարեղեն հավաքող անձի և» բառերով,

բ. 2-րդ ենթակետի «է» պարբերությունը «վաճառողի», «պայմանագրում վաճառողի» և «տրամադրի վաճառողի» բառերից հետո լրացնել «կողմից տրամադրված» բառերով,

գ. 2-րդ ենթակետից հետո լրացնել հետևյալ բովանդակությամբ նոր՝ 2.1-ին ենթակետ՝

«2.1) շահառուները (բացառությամբ սպանդանոցների) ՖԿ-ին ներկայացվող վարկային հայտին կցում են վաճառողների հետ կնքված գյուղատնտեսական հումքի կամ շինշիլայի գնման պայմանագրերի պատճենները և դրանց հիման վրա լրացված N 1 ձևը՝ Excel ծրագրով և շահառուի կողմից ստորագրված կամ կնքված տարբերակով.»,

դ. 5-րդ ենթակետում «պայմանագրերը» բառը փոխարինել «պայմանագրերի պատճենները» բառերով, իսկ «ձևի» բառից հետո լրացնել «՝ Excel ծրագրով և շահառուի կողմից ստորագրված կամ կնքված տարբերակով» բառերը.

3) 24-րդ կետի՝

ա. 1-ին ենթակետից հետո լրացնել հետևյալ բովանդակությամբ նոր՝ 1.1-ին ենթակետ՝

«1.1) վերամշակման գործունեություն իրականացնող յուրաքանչյուր վարկառուին խաղողի մթերումների (գնումների) նպատակով յուրաքանչյուր տարի կարող է տրամադրվել մինչև 4.0 մլրդ դրամի վարկ.»,

բ. 2-րդ ենթակետից հանել «և խաղողի» բառերը,

գ. 2.4-րդ ենթակետից հետո լրացնել հետևյալ բովանդակությամբ նոր՝ 2.5-րդ և 2.6-րդ ենթակետեր՝

«2.5) միննույն վարկառուի կողմից սույն կետի 1.1-ին, 2-րդ, 2.1-ին, 2.2-րդ, 2.3-րդ, 2.4-րդ ենթակետերում նշված նպատակներով մթերումների (գնումների) համար վարկերի տրամադրումը կատարվում է առանձին հայտերի հիման վրա.

2.6) սույն կետի 2.5-րդ ենթակետի շրջանակներում տրամադրվող վարկերի դեպքում վարկառուի ընտրությամբ դրանցից մեկի նպատակով կարող է տրամադրվել սահմանված առավելագույն չափով վարկ, իսկ մյուս նպատակներով տրամադրվող վարկերի չափերը չպետք է գերազանցեն տվյալ նպատակի համար սահմանված վարկերի առավելագույն չափի 50 տոկոսը:»,

դ. 3-րդ ենթակետը շարադրել հետևյալ խմբագրությամբ՝

«3) ունեն առավելագույնը՝

ա. 3 տարի մարման ժամկետ՝ սույն կետի 1.1-ին ենթակետի շրջանակներում տրամադրվող վարկերի համար,

բ. 1.5 տարի մարման ժամկետ՝ սույն կետի 2-րդ, 2.1-ին, 2.2-րդ, 2.3-րդ, 2.4-րդ ենթակետերի շրջանակներում տրամադրվող վարկերի համար.»,

ե. 5-րդ ենթակետը շարադրել հետևյալ խմբագրությամբ՝

«5) վարկերի մայր գումարի մարման համար սահմանված արտոնյալ ժամկետը վարկը տրամադրելու պահից հաշվարկվելու է ոչ ավելի, քան 12 ամիս՝ սույն կետի 1.1-ին ենթակետի շրջանակներում տրամադրվող վարկերի համար և ոչ ավելի, քան 6 ամիս՝ սույն կետի 2-րդ, 2.1-ին, 2.2-րդ, 2.3-րդ, 2.4-րդ ենթակետերի շրջանակներում տրամադրվող վարկերի համար, իսկ վարկի չսուբսիդավորվող տոկոսների վճարման պարտականությունը վարկառուի մոտ առաջանում է վարկի տրամադրման պահից սկսած.».».

4) 26-րդ կետի՝

ա. 1-ին ենթակետը «վարկի» բառից հետո լրացնել «չափը (գումարը) պետք է համապատասխանի 23-րդ կետի 1-ին ենթակետով սահմանված պահանջներին, իսկ» բառերով,

բ. 1-ին ենթակետից հետո լրացնել հետևյալ բովանդակությամբ նոր՝ 1.1-ին ենթակետ՝

«1.1) վարկառուին տրամադրված վարկի տոկոսադրույքի սուբսիդավորումն սկսվում է 28-րդ կետի 2-րդ և 5-րդ ենթակետերով սահմանված տեղեկատվությունը ՖԿ-ից ստանալուց հետո.»,

գ. 4-րդ ենթակետը «վաճառողի» բառից հետո լրացնել «կողմից տրամադրված» բառերով.

5) 27-րդ կետից հետո լրացնել հետևյալ բովանդակությամբ նոր՝ 27.1-ին կետ՝

«27.1. շահառուից հայտը ստանալուց հետո ՖԿ-ն իրականացնում է պայմանագրերում ներառված դրույթների և N 1 ձևի տեղեկատվության վերաբերյալ ծրագրով նախատեսված պահանջների, ինչպես նաև հայցվող վարկի չափի (գումարի) պայմանագրերի հետ համապատասխանության ուսումնասիրություն.».».

6) 28-րդ կետի՝

ա. 2-րդ ենթակետում «տեղեկատվություն՝ համաձայն N 1 ձևի» բառերը փոխարինել «ՖԿ-ի կողմից 27.1-ին կետի շրջանակներում կատարված ուսումնասիրության արդյունքների հիման վրա լրամշակված, շահառուի կողմից ստորագրված կամ կնքված և համապատասխանությունը հավաստող ՖԿ-ի պատասխանատու աշխատակցի կողմից ստորագրված N 1 ձևը և դրա Excel ծրագրով տարբերակը» բառերով,

բ. 3-րդ ենթակետում «համաձայն N 1 ձևի» բառերը փոխարինել «ՖԿ-ի կողմից 27.1-ին կետի շրջանակներում կատարված ուսումնասիրության արդյունքների հիման վրա լրամշակված, շահառուի կողմից ստորագրված կամ կնքված և համապատասխանությունը հավաստող ՖԿ-ի պատասխանատու աշխատակցի կողմից ստորագրված փոփոխված N 1 ձևը և դրա Excel ծրագրով տարբերակը, ընդ որում՝ N 1 ձևում փոփոխված տողերն ընդգծվում կամ լրացվում են տարբերվող գունանշումով» բառերով,

գ. 5-րդ ենթակետը «տեղեկատվություն» բառից հետո լրացնել «Excel ծրագրով» բառերով.

7) 30-րդ կետում «տեղեկատվություն՝ համաձայն N 1 ձևի, որը» բառերը փոխարինել «պատասխանատու աշխատակցի կողմից ստորագրված N 1 ձևը և դրա Excel ծրագրով տարբերակը, որոնք» բառերով.

8) 33-րդ կետից հետո լրացնել հետևյալ բովանդակությամբ նոր՝ 33.1-ին կետ՝  
 «33.1. Ծրագրի մոնիթորինգի իրականացման ընթացքում Հայաստանի Հանրապետության էկոնոմիկայի նախարարությունը ՖԿ-ներից և շահառուներից կարող է պահանջել լրացուցիչ այլ տեղեկատվություն, մասնավորապես՝ հումքի գնման պայմանագրեր, հումքի գնումը և վճարումը հավաստող փաստաթղթեր և մշակվող հողատարածքի կամ գյուղատնտեսական կենդանիների կամ շինշիլայի գլխաքանակի մասին տեղեկանքներ:».

9) NN 1 և 3 ձևերը շարադրել նոր խմբագրությամբ՝ համաձայն հավելվածի:

Հավելված  
Ձև N 1

Տ Ե Ղ Ե Կ Ա Տ Վ ՈՒ Թ Յ ՈՒ Ն  
ՏՐԱՄԱԴՐՎԱԾ ՎԱՐԿԻ ՇՐՋԱՆԱԿՆԵՐՈՒՄ ԿՆՔՎԱԾ ՀՈՒՄՔԻ ԳՆՄԱՆ ՊԱՅՄԱՆԱԳՐԵՐԻ Մ Ա Ս Ի Ն

NN ը/կ	Պայմանագրի վաճառող կողմը					Պայմանագրի շրջանակներում վաճառվող հումքը			
	Անվանումը կամ անունը, ազգանունը	Պայմանագրի համարը	Հեռախոսահամարը	Տեղակայումը		Մշակվող հողատարածքի չափը (հա) կամ գյուղատնտեսական կենդանիների կամ շինշիլայի գլխաքանակը (հատ)	տեսակը	քանակը (տոննա) (լիտր)	1 կգ-ի կամ 1 լիտրի գինը (դրամ)
				մարզը	համայնքը				
1.									
2.									

-----  
ստորագրությունը

-----  
շահառուի ներկայացուցչի անունը, ազգանունը, հայրանունը

-----  
ստորագրությունը

-----  
ՖԿ-ի աշխատակցի անունը, ազգանունը, հայրանունը

----- 202 թ.

Ձև N 3

Տ Ե Ղ Ե Կ Ա Տ Վ ՈՒ Թ Յ ՈՒ Ն  
ՏՐԱՄԱԴՐՎԱԾ ՎԱՐԿԻ ՇՐՋԱՆԱԿՆԵՐՈՒՄ ԿՆՔՎԱԾ ԳՅՈՒՂԱՏՆՏԵՍԱԿԱՆ ԿԵՆՂԱՆԻՆԵՐԻ ԳՆՄԱՆ ՊԱՅՄԱՆԱԳՐԵՐԻ ՄԱՍԻՆ

NN ը/կ	Պայմանագրի վաճառող կողմը					Պայմանագրի շրջանակներում վաճառվող գյուղատնտեսական կենդանիները						
	անվանումը կամ անունը, ազգանունը	պայմանագրի համարը	հեռախոսահամարը	տեղակայումը		գյուղատնտեսական կենդանիների գլխաքանակը (հատ)	տեսակը	քանակը (հատ)	քաշը (կգ)	1 կգ-ի գինը (դրամ)	տեղափոխման N 1 ձևի անասնաբուժական վկայականի համարը և տրման ամսաթիվը	Հաշվառման համարը, առկայության դեպքում
				մարզը	համայնքը							
1.												
2.												

-----  
ստորագրությունը

-----  
շահառուի ներկայացուցչի անունը, ազգանունը, հայրանունը

-----  
ստորագրությունը

-----  
ՖԿ-ի աշխատակցի անունը, ազգանունը, հայրանունը

----- 202 թ.:

2. Սույն որոշումն ուժի մեջ է մտնում հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏ

Ն. ՓԱՇԻՆՅԱՆ

Երևան